



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მახელონები

მახელონები, ერთ-ერთი დასავლურ-ქართული ტომი, სავარაუდოდ, იგივე მაკრონები (მ. მათი სახელის მოდიფიკაცია უნდა იყოს). V ს. ანონიმი მწერალი მ-ს ჰენიოხებთან ერთად მოიხსენიებს შავიზღვისპირა რ-ნში, ტრაპეზუნტის აღმ-ით, ახლანდ. რიგესა და ათინას შორის. მ-სა და ჰენიოხებს, II ს. ავტორის, ფლავიუს არიანეს ცნობით, საკუთარი პოლიტ. გაერთიანება – „სამეფო“ ჰქონდათ, რ-ის მეფე 131 წ. ყოფილა ანქიალუ. „ანქიალეს სასახლე“, ე. ი. დედაქალაქი მდებარეობდა მდ. პრიტანიდაზე (ახლანდ. ათინის აღმ-ით 7-8 კმ-ზე). პართიაზე ლაშქრობის დროს იმპ. ტრაიანე ანქიალეს შეხვედრია ქ. სატალაში და დაუსაჩუქრებია. „მახელონებისა და ჰენიოხების სამეფო“ რომის ერთგული მოკავშირე ყოფილა. ქააბა-ი-ბარდოშტის წარწერის ბერძნულ ვარიანტში ირანს დაქვემდებარებული ქვეყნების დასახელების დროს, მახელონიას იხსენიებს ირანის მბრძანებელი შაბურ I-ც (242-272).

ლიტ.: ა რ ი ა ნ ე ფ ლ ა ვ ი უ ს , მოგზაურობა შავი ზღვის გარშემო, ნ. კეჭალმაძის გამოც., თბ., 1961; დ უ ნ დ უ ა თ., თ ა ვ ა ძ ე ლ., რამდენიმე საკითხი პონტოს საზღვრის შესახებ I-III სს., „საქართველოს ისტორიის ინსტიტუტის შრომები“, 2011, [ტ] 3; ლ თ მ თ უ რ ი ნ., ბერძენი ლოგოგრაფოსების ცნობები ქართველი ტომების შესახებ, „მასალები საქართველოს და კავკასიის ისტორიისათვის“, 1963, ნაკვ. 35, М е л и კ и ш в и л ი Г. А., К истории древней Грузии, Тб., 1959.

გ. მელიქიშვილი
